



柳田文庫
文庫11
D 1
21



文庫 11

D /

2 /

010190547731

陶菴集卷第十目錄

自監錄二

十二則

陶菴集卷第十目錄

知服齋叢書

御田泉文庫

Blank page with vertical lines for text.



陶菴集卷第十

自監錄

雲棲蓮池大師記岳忠武降筆事有士人扶乩請仙忠武
 至或問之曰將在外君命有所不受王當日何以不矯命
 破金而後歸神以乩振几三下曰君輩真白面書生耳吾
 不奉君命將士誰奉吾命乎今夕偶讀史至李懷光養子
 事有感懷光與逆臣朱泚通謀其養子石演芬告之懷光
 責演芬曰吾以爾爲子奈何負我死甘心乎演芬曰天子
 以太尉爲股肱太尉以演芬爲心腹太尉既負天子演芬
 安得不負太尉乎此言足以證忠武之言不謬矣忠孝一
 理也不忠之人爲子者叛之微獨養子而已李璀懷光真
 子也懷光欲反璀密言於上懷光敗璀亦自殺夫以璀之
 賢而不能全其孝於叛君之父何有於將士乎卽忠武矯

命伐金雪不共戴天之恥萬萬不可與懷光同日而語然挾其軍威以抗君命尙得謂臣節乎忠武慷慨通大義平日在軍中必無日不以忠孝勵其下君召不奉詔亦何以示下哉五百年來說者紛紛非忠武自言之誰有見及此者文山云下則爲河嶽上則爲日星忠武之靈固赫赫在人世也

朱子稱周子爲政精密嚴恕此四字足盡政要精密嚴所以行其恕也

未忙先做事至卻閒

所謂將在軍君命有所不受者閫外之事不從中制也如穰苴之斬莊賈亞夫約軍中不得馳驅天子按轡徐行是也若夫將之生殺進退則制於君矣苟將之生殺進退不制於君是無君也於乎宋岳侯元脫脫知大義也夫

韓魏公遇事札定腳做張太岳與人書云二十年壽有一宏願願以其身爲薦薦使人寢處其上溲溺之垢穢之吾無閒焉二公是何等骨力吾嘗謂太岳之才似魏公但彼元氣多此霸氣多巨學行之高不如王荆公但荆公執著爲人所欺太岳卻欺他不得大抵任天下事識以主之膽以輔之強力以濟之缺一不可

友人談趙元錫被逮事云吾兩日多憂今思做秀才勝做御史不憂矣予爲一笑噫御史美官也一被逮而人遂不願爲之榮辱倚伏詎有定邪等而上之李斯相也而至不得牽東門之犬陸機將也而至不得間華亭之鶴將相之爲旤如此世人知將相之旤而不知遠旤於不爲將相之先可謂愚之益愚矣

朱子曰學者視天下事以爲己所當然而爲之則雖甲兵

錢穀籩豆有司之事皆爲己也以其可以求知於世而爲之則雖割股廬墓敝車羸馬亦爲人巨

楊椒山年十一歲卽能代兄收糧收納記算卯酉點查俱不錯誤我輩獨是何許人

苻堅之來其勢決不可當矣而輒知勝負不可料乎所以謝太傅任之爲高院判之至其旣決不可逃矣而輒知倚伏不可必乎所以劉元城安之爲得

古人膽力直是可畏如覆楚復楚椎秦等事何等堅猛沈孳子胥包胥事皆卽成子房事不成而佐漢亡秦則亦終成以三子觀之荆卿不足道矣

能爲流俗人所不敢爲能不爲流俗人所不敢不爲才是豪傑

所謂豪傑者見得定後猛力做去更不顧人是非毀譽韓

魏公是也然須看是非我者爲何等人王介甫不分賢愚一以爲流俗所以謂之執拗

陶菴集卷第十終

順德龍鳳鏤校栞

陶菴集卷十

自監錄

三

知服齋叢書

Blank table with 12 vertical columns for listing contents.

陶菴集卷第十一目錄

自監錄三

三十七則

陶菴集卷弟十一

自監錄三

日間無所用心之時太多則不當用而用者有矣今卻立定課程早起看時義數篇粥後看時義經義十數篇飯後看史記十葉文論二十葉餘功臨舊帖一紙或靜坐凡事閒斷總不好

病
記誦欲精不欲博此向日誤用功夫今猶不能驅好博之

李習之曰六經創意造言皆不相師故其讀春秋也如未嘗有詩也其讀詩也如未嘗有易也其讀易也如未嘗有書也其讀屈原莊周也如未嘗有六經也如山有岱華嵩衡焉其同者高也其艸木之榮不必均也如瀆有濟淮江河焉其同者出源到海也其曲直淺深不必均也論文有

至理

山谷與李仲幾帖云諸經史何者最輒學者喜博而常患不精汎濫百家不若精於一也有餘力然後及諸書則涉獵亦得其精蓋以我觀書則處處得益以書博我則釋卷而茫然朱子深喜之以爲有補於學者誨門人曰讀書理會一件便須精此一件此件看得精其他文字亦易看山谷讀書法甚好又曰人做功課若不專一此心先散漫何由看得道理出須是看此一書只在此一書讀此一章更不看後章讀此一句更不看後句此一字理會未得更不看下字如此則專一而功可成

一循序二無欲速

或問學書之法對曰今人非不欲字好只是潦艸處多吾生平雖作一小東亦不苟且程子謂卽此是學

王荆石先生與林秀才書曰射策取名一稟於氣氣者受於冥冥不可爲也不可言也然機在得失之際足下試揣之胸中能老至不憂否能人不知不悔否能獨弦哀歌不落漠否有一於此皆足折傷壯夫之氣故思將抽而若斷辭欲弇而且卻不得不出於脂韋輒輒以牽無敗而不知騏驥之敝策不如馮駕之得路也荆石此言眞文章家妙訣不獨爲制舉業而已

春舟看二程書發學道之志遂將舉業看得輕了不知父母之心如何望汝汝卻悠忽如此卽此一念便不可以學道

張文定公幼時讀書限定課程惟節日稍寬以息其力今我亦限定做去早起看周易一卦隨筆錄主意看經文選四書文文限閱五十篇看史記蘇文三六九作文兩篇此

今歲課程來歲尙欲精密憶謝象三謂三六九作文必定
三題兩篇亦不濟事向來所以不輒者只坐少作之故爾
今當次第益之限定不完者罰鈔時文十五首勤則不匱
呂東萊曰今人讀書全不佗有用看且如人一二十年讀
聖賢書及一旦遇事與閭巷人無異或有一間老成人之
語便能終身服行豈其語過六經哉只緣讀書不佗有用
看故也此言切中未學之病可謂深錐痛劄矣予嘗謂今
人於六經四子之書童而習之究其所用則止以應科第
而已而於釋氏書則尊之曰內典嗚呼六經四子外典云
乎哉

經學之不明自不務實始也近見人有舉於鄉者間座主
澹泊甯靜語刻以遺人予爲之一歎彼平日所讀何書豈
無一句可行者必至是而始聞此語邪東萊所謂讀書不

佗有用看者益深有感於俗學之弊矣

朱子曰這一件理會未得又理會第二件第二件理會未
得又理會第三件恁地終身不長進

先儒論格物義云一事上窮盡他可類推此貫通覺悟之
機也吾謂讀書法亦然

又云今日既格得一物明日又格一物工夫更不住地如
左腳進得一步右腳又進一步右腳進得一步左腳又進
接續不已自然貫通

顏之推家訓云吾七歲時誦魯靈光殿賦至於今十年一
理猶不遺忘二十年之外所誦經書一月廢置便至荒蕪
矣某四歲誦周興嗣千字文今猶記憶十歲以往爲俗學
所困經史大意皆未通曉今欲稍從學問而轉眼便成三
十許人矣記曰時過然後學則勤苦而難成追誦顏公之

言可爲歎息

方正學曰日坐靜室未嘗樂人談有相過問者可語語之不可語辭謝而已又云自少唯嗜讀書年十餘歲輒日坐一室不出門當理趣會心神融意暢雖戶外鐘鼓鳴而風雨作不復覺也又云習靜既久不能效時俗往復語言文飾之事不復能鳶肩羔膝卑聲詭笑曲身俯首稱誦人美而求其喜說居則直情任意簡默而已此三則語深得習靜讀書之趣吾與人交既疏節不能委蛇或目爲傲而語言任拙又多脫失眠壽諸人又鮮與吾同志尙者規過砥疾既無其人而時俗之文又不足多論論亦不解止應閉戶讀書巨覽方先生語歎息久之讀書至鐘鼓風雨不復覺始爲得趣予自覺心雜所以向來少益葉熙時讀書雖呼之不覺其精專亦不可及

讀書作文既無果銳精強之力又無優游漸漬之功所以日就荒落

今日偶取舊日時藝觀之大抵氣多不貫意多深棘詞多冗長此吾向來病也疏通以養氣條達以命意鮮榮以措詞此吾今日治病之藥也。

用心於帖括誠可謂作無益之事耗有涯之生然今日進退無據勢不得不濡首於此且莫當作閒事莫看作難事吾少時爲文頗不至底滯惜此時師友不得力年馳歲流加以人事牽率今遂忽忽無所成就念之可懼自今以往宜刻刻儆醒勿嬉戲過日

爲文於未握筆先橫一畏難之念於胸中困苦堙鬱精采氣勢皆消鑠矣安得有文曩日婁子柔先生謂予曰子文太精緻不如放縱爲之使氣昌詞流則必勝矣此予良藥

也

高山無窮太華削成鸞鳳一鳴蝴蝶革音涵古如今無有
端倪鯨鏗春麗驚耀天下栗密窈眇章妥句適精能之至
鬼入神出長江秋注千里一道詭然而蛟龍翔蔚然而虎
鳳躍鏘然而韶鈞鳴日光玉潔周情孔思千態萬貌平澤
於道德仁義炳如也此劉夢得李習之皇甫持正李漢稱
誦昌黎之文也握筆時當作此想不可自安凡陋

爲文固不可以易心掉之若凝斂太過則曠嶮而乏氣象
文章小道巨然以氣爲主氣弱者雖爲之不至也試看古
人擺落萬物高蹈獨往文章安得不妙

張文潛曰學文之端急於明理如知文而不務理求文之
工世未之有也夫決水於江河淮海也順道而行滔滔汨
汨日夜不止衝砥柱絕呂梁放於江湖而納之海其舒爲

淪漣鼓爲波濤激之爲風颺怒之爲雷霆蛟龍魚鼈噴薄
出沒是水之奇變也水之初豈若是哉順道而決之因其
所遇而變生焉溝瀆東決而西竭下滿而上虛日夜激之
欲見其奇彼其所至者蛙蛭之玩巨江河淮海之水理達
之文也不求奇而奇至矣激溝瀆而求水之奇此無見於
理而欲以言語句讀爲奇反覆咀嚼亦無有此最文之
陋也

世俗之學雖鄙陋可厭然今日既未能決去便須於此汨
沒沈浸一番庶幾有自拔之日若只如此悠悠過去恐進
退失據徒自苦也

韓子曰氣盛則言之短長與聲之高下皆宜言氣得所養
則律度自我出文斯妙矣柳子亦曰文以氣爲主
文字從肺腑中流出自然峻拔不羣

老泉與歐陽子書曰孟子之文語約而意盡不爲囁刻斬絕之言而其鋒不可犯韓子之文如長江大河渾灑流轉魚鼈蛟龍萬怪惶惑而抑遏蔽揜不使自露而人望見其淵然之光蒼然之色亦自畏避不敢逼視執事之文紆餘委佩往復百折而條達疏暢無所間斷氣盡語極急言竭論而容與閒易無艱難勞苦之態評三子皆精當讀之亦可得文訣

經之以杼軸緯之以情思發之以議論鼓之以氣勢和之以節奏人人之所同也出於口而書於紙而巧拙見焉巧者有見於中而能使了然於口與手猶善工之工於染也拙者中雖有見而詞則不能達猶不善工之不工於染也

蘇伯衡
論文

子歸見友人作時藝有刻意趨時者句摹字仿讀之厭憎

蓋爲其義理不明揜題便不知何物也噫士君子有義有命時藝小道勿使至背時可矣何至效顰學步如此充此一念何所不至

杜牧之序兵法謂盤中走丸丸之走盤橫斜圓直繫於臨時不可盡知其必可知者丸不出盤也蘇子瞻論文如萬斛泉源不擇地皆可出於平地滔滔汨汨一日千里及與山石曲折隨物賦形而不可知也所可知者常行於所當行常止於所不可不止如是而已矣二公所論事不同而比擬之意甚似知用兵之法則知行文之法矣吾人拘拘爲時俗之文觸地罣碍如著敗絮行荆棘中其故安在當思之

鐙下閱東野集中有讀張碧集詩曰天寶太白沒六義已消歇大哉國風本喪而王澤竭先生今復生斯文信難缺

下筆證興亡陳詞備風骨碧詩固皎皎者邪今其集未見
行世當時苦心吟諷安在不同鳥獸好音之過耳也因思
唐人能詩而不傳者甚多管人以德言功爲三不朽夫言
固有因其人而不朽者矣言何足以不朽其人哉管宋末
王氏遭虜嚙指題詩清風嶺投嶺下死後每遇陰雨則血
書墳起後人立祠嶺下李孝光爲文泰不華書之今其詩
傳矣然固王氏傳之也若夫張睢陽之間笛一篇文宋瑞
之正氣諸首今皆炳炳在人耳目然使二公無詩其人不
傳邪傳不傳何足深論吾悲夫蹋壁苦吟之士其意本欲
有聞於後而名湮沒不彰者比比也士固有志奈何以小
道自處邪

空色不暎水秋聲多在山管友人徵上句於予予未有以
應也偶思此句不過言空水如一自從來作者卻無如此

虛妙覺映地爲天色遠不逮矣

謝康樂池塘生春艸得之夢中評詩者或以爲尋常或以
爲淡妙皆就句中求之耳單拈此句亦何淡妙之有此句
之根在四句之末其云臥疴對空林衾枕昧節候乃其根
也褰開暫窺臨下歷言所見之景而至於池塘艸生則臥
疴痔所未見者其時流節換可知矣此等處皆淺淺易曉
然其妙在章而不在于句不識讀詩者何以必就句中求之
也

管人謂韓退之因學文而見道子謂學詩亦何不可以見
道古聖人之論詩曰詩言志又曰詩無邪此萬世言詩者
之根本準則也詩人各言其志而一本於仁義忠孝和平
淡泊之旨則無論世代之升降體裁之奇正而均之乎追
古之作也彼規摹聲調寸步不失如優孟之學叔敖而自

命曰古既非言志之義乃若蔑棄規矩一憑胸臆其流至於爲險爲怪爲誕爲纖爲鑿爲俚又安所稱無邪也善夫元次山之論詩曰拘限聲病喜尙形似且以流易爲詞不知喪於雅正彼則指詠時物會諧絲竹與歌兒舞女生污惑之聲於私室可矣若今方正之士大雅君子取而誦之則未見其可近之爲詩者承李何七子之弊或變而之郊島或變而之宋元險怪誕纖無所不至而景陵二子起而矯之學之者復將至於爲鑿爲俚益其所斤斤自得者不離乎句字之間管人之所謂激而求奇者非眞奇也嗚呼力矯時習一歸雅正如唐之沈千運孟雲卿其人者已不可得況進而之李杜耶又況進而爲漢魏三百篇耶讀唐詩至賞心處欣然忘食乃知此道最易沒溺人近鍾伯敬云平生精力什九盡於詩歸一書此僅賢於飽會終

日者目

作詩文摹畫兒女情態爲後生狂藥其罪不細吾今生戒之

陶菴集卷第十一終

順德龍鳳鏤校栞

陶菴集卷十一

自監錄

知服齋叢書

陶菴集卷第十二目錄

自監錄 四

四十一則

附錄卷之二
今人非此五者不會就中文會似屬正業然於進德脩業略無毫髮之助而或假此以爲下四會之資予深見其無益自後立戒不得輕入

習靜是弟一義讀書是弟二義作文是弟三義求友是弟四義今人奔走徵逐多云篤於友誼吾實恥之揚子雲云雕蟲小技壯夫不爲也杜子美云文章一小道於技未爲尊彼所謂文大者鑽窺微密小者推敲風騷此後世學文之徒所嘔心不能到者也二公猶輕之若此今人所業者不過應舉時義耳以視二公之文奚啻燭火之於日月乃至窮年累月疲耗心力於此中可謂不知務矣陳恆紘君章集注胡氏曰仲尼此舉先發後聞可也雲峰解云先發後聞謂魯也非謂夫子也近聞子將云渠自有全篇晦翁節取四句往往動後人之疑今未見全文若何

自當依雲峰說不可使文定有非聖之罪

予再閱二程書友人從案頭見之語有韓云渠何故閱此書有韓對以此書宜閱友人搖手不然意今人讀種種非聖書見者不之怪讀二程書輒怪作種種累理事間者不之怪學二程爲人必怪矣

雲間周萊峰先生之爲人吾所不知也讀其學道紀言篤實謹密古好脩君子也有韓云雲間人甚稱其惡噫豈有篤實好脩如萊峰其人而猶惡者因思先正云要人感說怕人怪此私心也又云天下事大患只是畏人非笑如萊峰者豈不怕人怪不畏人非笑者邪讀其書不知其人不

可也
列子曰心凝形釋骨肉都融不覺形之所倚足之所履隨風東西猶木葉幹散竟不知風乘我邪我乘風乎噫此所

謂御風者也此亦列子從心所欲從容中道之日也然畢竟與孔子不相似爲他走入爲我窠臼中

昌黎曰今世之爲士者一凡人譽之則自以爲有餘一凡人沮之則自以爲不足

呂溫陳先生墓表曰先生行不學之道據不仕之貴負不稱之名達人觀焉斯極矣

孟東野詩曰道險不在廣十步能摧輪心憂不在多一夕能傷神

古之高士飢不可得而食寒不可得而衣予遊於友朋間人數得而飲食之能無愧乎

人說非理語不能救正則當以不答銷之

向讀雲間周萊峰先生紀言實心儀之有韓誤信雲間人云此大惡人予斷謂不然今早與一友談及書畫此友云

萊峰書畫極佳予問其人曰古君子也不覺色喜萊峰爲人雖不以此友之言而定然而一念之好善有不能已者唯恐萊峰不得一助耳傳曰不知言無以知人也君子與人交間流言而不信況卉輩乎又況古人乎

因在舟中間雷悟得天地間總是一氣

餘冬錄云韓退之贈崔斯立詩有可憐無補費精神之句王介甫遂用以譏公云力去陳言誇末俗可憐無補費精神然則介甫之新學又何如哉荆公選唐百家詩成序云廢日力於此良可悔也而不知新學之當悔何也枕上讀至此不覺蹶然驚起嗚呼斯立學詩而退之憺之退之學文而介甫憺之介甫志不爲世俗之學乃不免誤用而後人憺之今我飽食終日一無所用而猶不自憺竟亦無有憺之者矣宜猛勇自勵

吾嘗見一鄙夫本恡財也而與人書曰生平最惡重財輕義今日見一薄夫本以誦書詆訐人也而曰生平最不喜談人隱慝嗚呼小人之肺腸口頰如此此等人何足道鄙薄二字究竟我何曾脫得乃說人邪

嘗讀王伯安羅近溪王龍溪一流語錄怪其高遠之過也後一變而爲任俠顏山農何心隱之流種種迂怪世或指爲大盜而流弊極矣然伯安之學實祖象山象山之學固從孟子入者也學非不正而流弊至此立教者可不慎乎程子曰墨子之德至矣而君子弗學也謂其舍正道而之他也至言哉

精神力量如此決知非用世之具然境界遭遇逼人入萬斛蠶蝨中歲不我與分陰可惜豈堪閒愁閒悶耗其血氣邪

萬事不須閒著意只應隨分閱年華

大人凝然不動不小家相

羅一峰與人書曰近世大儒有下第者其言曰今秋卒不爲考官所取得與弟姪研磨義理猶舍荆棘而達康莊猶去野店而居安宅脩道崇德之君子固如是也今乃汲汲科舉之得而以家貧爲憂則其念慮之害與世之醉夢富貴者又何異若以家貧親老未免此途以階祿仕固聖賢之所不禁但不可緣以得失置胸中耳又曰若不以得失置胸中則應舉也未甚害

看書貪多作事要快皆當戒之貪多則不精要快則多誤此予大病也

鐵劔利則倡優拙此語出韓非子而程子語錄象山語皆有之蓋喻爲學有實得則外飾不足也

正學與人書日處塵埃中不慣與流俗往還厭其喧鬧每
欲縛一椽於萬山絕頂人跡所不至處從一二友生讀書
嘯歌以自樂伐木誅茅非有力者不能非唯古之富貴人
不可效欲效畸人靜者巖棲谷飲以自快亦莫之遂吾之
貧困過古人遠矣噫清福豈易得哉
取友難哉泛泛而識之泛泛而交之不待臨利而操戈臨
害而下石也

予嘗與一先輩論及程朱先輩極嘗伊川爲輒拗紫陽集
注爲頗謬予時亦附和之近讀二程書始知伊川不可輕
議紫陽注雖有未盡合處然爲前輩表章功在後學夫豈
淺鮮管有著書摘歐陽公五代史之失者東坡極訶責之
況闡聖人遺經於千載之下其難易較作史何如豈能一
一合符乎蓋此先輩究心禪學與宋儒氣味不合予當時

妄言至今悔之

學韓文者始於宋初柳開仲塗柳公偁儻負奇氣其文能
變五代之習今其集未見行世元郝經伯常文章節義時
人比之東坡歸震川集有跋伯常堯帝碑文云先友吳純
甫家有陵川集今亦不存兩公之文皆足以傳其人猶泯
泯如此豈顯晦有數邪抑尙有所待邪

劉寬羹汚衣韓穉圭玉杯碎不怒其婢若吏出於無心也
若上下嘻嘻雖兩公何以齊家乎近聞陸君履常之子爲
人誤傷其目置而不校舟赴金陵爲來舟觸其僕墜水死
亦不校蓋皆出於無心也此兩事較劉韓兩公所處更難
輒謂今人中無古人乎

管賢有聞父叱耕牛聲而泣者日自傷不能致榮華而使
老父未免勤苦吾父雖不業農然一家之事萃焉其勞甚

於爲農吾讀書本求顯親今反貽親以憂是尙得爲人子乎屈指來歲距秋闈一載有半揣摩之業足以成矣微天之靈使疴瘥得脫於躬雜務不撓於外濡首帖括必有當焉若藝成而復屈便當捐棄陳言供爲子職雖求田問舍烈士所譏而學者治生先儒不鄙未能濟世豈可累親咎吾邑張伯常先生二十歲時與父約三科不中卽絕意進取代父理家後至第三科得售蓋二十九歲也予來科亦當其年利鈍決矣崇禎辛未孟冬廿九日我與我約看人詩文不宜違心過譽以求感說此處害亦不細待人誠亦是心過非但口過也韓子原道極於正心誠意而不日致知格物蘇氏古史舉中庸不獲乎上卻不說明善誠身歐陽子謂聖人教人性非所先皆朱子所謂無頭學問也

俗書不還大過也而人每忽之俗書遲還亦不可憶楊萬里集中有謂生平未嘗借人書不還而人借之者多不還噫此亦甯人負我無我負人之一事也今後俗書當記年月日最遲不得過一年俗書不還與借財物不還者何異白晝攫金人謂之盜昏夜舐篋人謂之賊俗書無盜賊之名而享其實不大得計乎予向借友朋書委積未還今逐一開列於後次第還之唯借閱初上人書三四種今已成故物益以重吾過可歎也

董思白論畫云畫之道所謂宇宙在乎手者眼壽無非生機故其人浩浩多壽至如刻畫細巧爲造物忌者乃能損壽蓋無生機也此言似謾而有實理推之作文臨事亦然早起梳頭每落二三莖白髮年未三十血氣如此管人所謂蒲柳之姿者非耶歲月逝矣而學業不進可爲浩歎

朋友聚會是好事然說十句話中少一句合理是以聚則
滋過

陶菴集卷第十二終

順德龍鳳鑣校棊

陶菴集卷第十三目錄

繇已錄上

九則

陶菴集卷第十三

絲已錄上

聖人亦人也四十而不惑今我尚未到立境界一可懼也
顏子不貳過今有過皆復犯二可懼也朝聞道夕死可矣
今此身可以死乎三可懼也古人蒙養時便有天下國家
之具今時過而後學從弄歲月皆棄擲於無用之地四可
懼也

士別三日當刮目相待古人變化之速如此予自二十二
三時卽知有此事今十五六年矣比咎無大相遠再二十
年便成六十老翁矣如此終不免虛度一生也今乘識力
疆健時日日提撕刻刻鍛鍊成就世間一了事丈夫亦不
枉堂堂地作箇男子如再作一番閒話過去上負父母生
育下慙人世供養何以爲人

須知到臘月三十日要遲一刻亦是難得則今日之一刻斷斷不可放過

偶思孔子云自吾得由惡言不入於耳此不獨子路氣質剛稜能禦外侮子見南子子路不說子欲應公山之召子路請勿往由此言之聖人形跡之間略涉嫌疑者皆爲子路所匡拂此惡言所以不入也取友之道亦當如此管甯之揮鋤不視可謂不貪矣其視黃金與瓦礫無異也展禽之坐懷不亂可謂不淫矣其視女子與木石無異也婁師德之唾面自乾可謂不瞋矣其視面之唾猶不唾也孟敏之破甑不顧可謂不癡矣其視甑之破猶不破也若此者心能不動故也不動則一矣一則誠矣

心如一王必不屈於臣僕之下心如大將必不死於匹夫之手心如美玉必不灰於劫火之中心如鐵劍必不頑於朽腐之木只要識得心是何物自然意氣增長光輝日新向來氣息奄奄如垂死人正坐不識心目

向來看得信道二字容易萬仞崖頭劄腳不轉纜謂之信易卦之所謂頻復論語之所謂日月至焉者皆信道不真之故也所以宣聖教人主忠信又云篤信好學又云忠信所以進德只要鍊得一箇信字成就則誠在其中矣如惡惡臭如好好色天壽不貳修身以俟之國無道至死不變遯世不見知而不悔皆是箇信到十分處要知有九分信仍有一分不信則不得謂之信矣

此心一刻在卽人也此心一刻不在卽禽也日用動靜間一提撕則去者可還也一不提撕則存者立亾也

處物待朋友之際一以平等心還之則人之憎愛乎我者皆聽之矣然又無籠侗一視之理唯等殺處不過其則謂

之平等親之過而翕翕以契疏之過而淡若行路尊之過而齷齪苛謹卑之過而頤指氣使乃至稱呼之際一拜揖之間稍失其平便非天理人情之則矣然又不可逐事檢點如此卽與世俗人無異要之心正則百物皆正所謂動容周旋中禮也

讀白沙集中有云足不踰閩要知事來亦須承當故又云日用間種種應酬隨我所欲又須知學雖未成必無等待之理但事物之來隨其力量而處之無一豪私心與乎其閒便能合理若等待學力既成而應之則終不成關門獨坐與事物判作兩橛邪

陶菴集卷第十三終

順德龍鳳鑣校棊

陶菴集卷第十四目錄

繇己錄下

四則

陶菴集卷第十四

繇己錄下

或問二程書義命二字極好不處置是無義也不冝舍是無命也但盡人謀三字詞病多少妄庸人念念不冝舍者亦只爲要人謀耳不若先之以忠信好予曰二程盡人謀三字本無病盡人謀正指合義處如易云人謀鬼謀若不冝舍者衡命也非人謀之謂也

嚴君以關壯繆所以爲神之故問涓耀涓耀對曰當是誠與直而已嘗曹公之厚禮壯繆也疑有去志遣張遼探之壯繆知遼之爲曹公來也又知曹公之知其有去志之可以殺我而無難也使他人處此委蛇其辭以對而姑爲後圖其亦可以爲忠臣矣壯繆則不然直告以劉主之不可負與己之立效而後去甯使曹公知己之有去志而已之

言固未可以或欺也此其所以爲誠也先儒有言立誠當自不妄語始可謂充類至義之盡者也充不妄語之類以至於盡則誠矣誠則無息無息則久久則神矣然而壯繆之於此豈嘗如後世儒生學士講貫而行之討論而出之哉蓋其天姿之高不待學習而無不利庶幾乎得聖人之一體宜其炳炳乎磊磊乎與日月爭光也若溫太真之於王敦出閣復入涕泗橫流蓋惟恐敦之疑己而以權譎自售以巧慧自脫雖其事濟功立之後卓然爲晉室宗臣而誠與直則有所不逮矣使壯繆當之吾知其不屑也是故誠而直者神道也僞而曲者鬼道也以權濟經小德出入者雜乎誠僞之間者也行一不義殺一不辜而得天下不爲者此誠至而天者也神又不足言也

然如此便好學問如此便不好慮有矯強存其間爾予曰今人理路不明只爲避一矯字見人清節則曰矯廉見人寡欲則曰矯情無論彼人非矯縱令矯而爲善亦是化氣質譬諸爲將有攻堅穴險之功但當問其矯之意何如耳如爲名而矯則純是機械變詐不足道也如爲變化氣質而矯則正是復其天然而非有礙於天然顏子大賢夫子猶教之以克己孟子亦云思誠者人之道也曰克己思皆矯之善者也若今世所謂學問不過揜巨竊鐘藏頭露尾全無一點實心爲己之意皆坐不學問巨豈有真學問人而反爲無忌憚之小人開一捷徑哉今若避矯之名而以自然爲貴則好色者自然好色好財者自然好財吾不知其可也令融曰三代以下唯恐不好名縱是矯而好名當亦不妨予曰此又不然好名之論可以策勵中下

人爲其不肖之念已生姑借名之一途鉤引之使出於善爾若立心便從此起則振矜於小節而敗露於大事砥礪於始塗而狼狽於晚節古人如此類者正復不少何異病衰之人服烏附諸藥以益其強藥力一去百病皆作矣孟子曰好名之人能讓千乘之國苟非其人簞食豆羹見於色蘇子曰人能碎千金之璧而不能不失聲於破釜正謂此也不好名之人如真金不怕火好名之人如鉛錫入火卽變是在揀擇而已

偉恭問從壽習氣太多憂喜淫欲之根業已深重必須拔去而後可予曰汝莫管已壽事亦莫記習氣重不重只要當下明了自然一切截住如堵牆一般有甚習氣障蔽得我且汝說此話時習氣又在那裏駐劄若真說有習氣都無是處若習氣元無則又何必稱斤稱兩另將一物去壓

倒此箇習氣此等見解皆由自迷家寶舍黃金而拈土塊所以生許多顛倒妄想於本分事無分豪相干也予從來受病亦在此處今幸天啟其聰於此中覷得些影蹤自份更不回頭三心兩意所願大家珍重閒話沒幹

先生所著錄已錄向藏邑中湯氏原本二卷陳氏錄入年譜止四分之一非足本也兵燹後無從搜訪姑就陳氏所錄分爲二卷編入集中異日如得足本再行補刊

陶菴集卷第十五目錄

詠史樂府

狡兔窟 易水行 曹相國 潁陰侯 刎頸交

平城苦 長沙歎 首鼠行 舞陽君 哀趙郡

秦王府 袁氏歎 許氏客 羊氏女 渡瀘篇

別主歎 海東操 惠風歎 悲臺城 王公怨

胭脂井 石頭城 汚貂行 禹川人 會稽隱

余氏婦 念家山 蚶蚊磯

陶菴集卷第十五

詠史樂府

狡兔窟

責馮驩也驩為孟嘗君營三窟以自固於齊其後
孟嘗君相魏遂與燕共伐破齊

長鋏歸來債畢收一窟已鑿二窟留長鋏歸來重結鞬齊
王不寐君高枕嗟汝窟成傷汝國他年免葬元無窟君不
見趙城有客賣漿徒慷慨勸君歸舊都古來狐死猶邱首
免窟信信皆國狗

易水行

謂荆軻也軻欲生劫秦王得約契以報太子謬矣
函谷關開五國走督亢圖中一匕首樂生久去丹金臺縱
殺秦王誰與守危冠壯髮車中去死灰之人見天意劍光

飛去白虹高不敵咸陽祖龍氣吁嗟乎趙城楚地詎已多
餒虎反肉世有無欲持約契歸燕都憎哉豈止劒術疏

曹相國

議曹參也參為相國不能興禮立樂

相君暇豫何吾吾後園吏舍聞歌呼咄嗟吏人相曉無相
君亦是高陽徒威姬春如意死縣官宮中醉不起老雉橫
飛十步裏君聖武臣畫一兩不如句酣歌弄白日相君刀
筆未有奇膠西長老稱宗師兩生堂堂牖下死相君空爾
為

穎陰侯

美灌嬰也嬰與齊襄王連兵於外故產祿之謀不
成

穎陰侯為呂亦為劉滎陽一出仍逗留滎陽下為劉不為

呂南北兩軍同有主呂家寶玉摧為屑臣功得比清宮列
高廟神靈再悅康九州未見炎精缺數千年事屢膠轄饑
鷹在臂隨人掣君不見關西男子稱雄傑力掃義兵看國
滅唐亦有人誅敬業韋孝寬破尉遲迥而楊堅之篡成魏
元忠破徐敬業而武曌之勢固

刎頸交

責張耳也耳餘為刎頸交同立趙王歇及耳餘相
惡耳從韓信擊破趙斬餘泚水上追殺趙王襄國
刎頸交生年單賤稱雄豪千金購老百金少兩人心知各
相笑雲起龍驤愚者驚為陳為趙皆縱橫監門憂一死河
北怨一生將印爾何物千秋破人情泚水義兵誠失策兵
敗猶令廣武憎信都趙後襄國俘生者獨慙廝養卒

平城苦

議漢高帝也帝自平城歸始以宗室女為單于閼

降者集卷十五
氏元封中再以宗室女妻烏孫皆從其國俗
平城苦平城苦七日不食能穀弩圍開一角卒有神女嫁
蠻中不猶愈錦車千乘送蛾眉玉顏羞殺胡中姬胡姬已
羞漢未足烏孫又聽歌黃鵠

長沙歎

譏絳侯也絳侯讒賈誼而信袁盎

仕宦去無中人不如車戲雜風塵上書去無相憐不如齋
夫立園邊男兒有才耀奇世誰識公卿是軍吏蒙君讒救
君死人告周勃謀反逮繫長安獄治卒無事君心乃在安
陵子噫吁噓古來樹人多樹棘棗樹懷赤心獻君君不食
首鼠行

譏韓安國也安國辨魏其田蚡事實陰左田蚡

魏其是丞相否壯士何須問杯酒丞相是灌夫族東朝正

爾憐骨肉當年鼠首何曾兩丞相車中怒鞅鞅五百遺金
事已往天下何人絕朋黨

舞陽君

惡女謁也何進異母女弟爲靈帝后母號舞陽君
進欲誅張讓等舞陽君數受宦官賂遺爲其障蔽
進遂遇害

舞陽君家屠羊女人宮暴貴強出入金閨遊紫房李依省
內安能忘家有將軍讎段張洪鑪不鼓毛髮長張氏子婦
何氏殃虺分兩頭相齧傷咎年文母爲妖祥金由南陽國
再亾鉤弋之誅誠則剛漢家英斷歸武皇

哀趙郡

愔北齊趙郡王叡也叡欲出和士開爲士開所害
死於忠也然叡嘗與士開諧殺河南王孝瑜

兗州刺史即日發領軍意氣何輕忽珠簾美女聊相給人
宮仍似握槊時數行詔下誰相雪管何宿留今何決餘珍
冑受生者慙死者無聲獨流血華林園良有以死見先王
誠已矣冤魂莫恨劉桃枝請問西華門外水

秦王府

責房杜也秦王世民殺建成元吉房杜輩成之李
靖李勣皆不與

秦王府中力士舞君有父兄臣有主金高南山視如土拳
毛駿馬來揚揚管年射賊餘大黃一矢痛入慈父腸地下
宮中恨無極房公杜公皆有力千古獨誅凶賴賊

袁氏歎

譏劉表也表貽書袁譚袁尚諫其兄弟閒事甚切
至然詒謀不永後世幸與袁氏同轍

帝管有二子關伯與實沈其居各參商其釁日相尋降生
冀州野厥名尚與譚叶交臂仇蠻邦買首戈戟林百戰虧
股肱一朝竝爲禽明明劉荆州憤踊進良箴豈知高樓上
冢子已悲吟

許氏客

美許貢客也孫策殺吳郡太守許貢貢客凶匿江
邊策單騎出幸與客遇客擊傷策策遂卒

江東獠兒勇如虎身騎駿馬手擊鼓朝衝強陳偃朱旗莫
奮雄譚搖白羽許家奴客艸中來飛鶻猛射金甲開一死
爲酬吳郡守九泉不避孫文臺君不見橋邊豫子管長劍
五起不成衣血濺又不見河南小吏懷霜刀閣中董卓怖
欲逃此劍此刀不常有阿瞞老死紅顏手

羊氏女

醜羊后也后以高門之女嘗母天下乃至失身劉
曜極詆司馬家兒其遺穢青史視南風殆有甚焉
南風吹塵塵暗天洛城犁作黃沙田宮女如花委道邊金
墉天人亦瓦全姍笑司馬兒輕薄時世賢人字青蛾點新
粉半生博得新主憐君不見龐娥親報父冤孫翊妻殺戴
員健婦之名千萬年

渡瀘篇

美諸葛武侯也客有譏侯者曰何不徑伐魏而與
南人相持予曰蜀之南蠻猶吳之山越也山越不
賓則孫權不能不屈膝於魏南蠻不服則武侯不
能不稽討於曹出師表有云思惟北征宜先入南
然則渡瀘者伐魏之始也

三分鼎立英雄爭瓠壺夜縛成都驚丞相渡瀘瀘水清有
蠶可市刀可耕萬井燒鹽叩火赤丞相自臨添火色五丈
原頭星化石薄田十頃桑八百

別主歎

美徐元直也元直事劉先主其母爲曹操所獲因
辭先主而詣曹

報讐讐已亾讀書書已精結交天下士仗劍求明君天翻
地覆龍戰野疏巾落落輕中夏同心但識鳳與龍國士誰
論陳其馬俯首看心心未變去住君親兩悽戀君恩莫謂
不如親放歸母子重相見古今忠孝全者誰羔能跪乳烏
能慈願向邴公求上藥莫令天水寄當歸

海東操

美管幼安也幼安居遼東廬於山谷晏然若將終
焉公孫度父子痔後所資遣皆不受晚而西歸魏

陶菴集卷十五
氏屢下璽書徵之皆上書固辭

海水兮羣飛亂離斯瘼兮吾將疇依夷叔高懟兮柳季已卑吾奉先人之烝嘗兮吾不敢受人之倉與衣

惠風歎

美愍懷太子妃王氏也妃太尉衍女字惠風劉曜陷洛陽以妃賜其將喬屬妃義不受辱遂死之

天家昏絕哭未絕離石兵來污宮闕青宮元妃太尉息齒劍如歸甯事賊君不見清酒三升書一紙天高漫漫白沙起路人愁歎金墉寺還間勸進排牆年此翁此女何天淵

悲臺城

譏梁武帝也帝雅好奉佛其築淮堰以灌壽陽死者蓋數十萬人

王鸞警警夾路守帝在講堂僧眾走千緡足陌贖不回幅

幅詔書稱頓首石頭城北火酣酣歲在丙寅八十三內料罷供春殿閉鸞飛草長愁江南古來南北本無別不獨涅槃經內說君不見長淮築堰時壽春百萬為魚鼈

王公怨

責謝朓也王敬則女為朓妻朓告敬則反後朓為江祜搆害歎曰天道其不昧乎我雖不殺王公王公因我而死

拍張王公心不平兒曹彈作懊儂聲東牀使婿文賦手告變歸家慙見婦婦欲復讐讐未復尉羅高張廷尉獄朓詩尉羅者寥廓已高翔吁嗟乎三代史中君不遺朓臨終語門賓曰寄史不得見遺三代史岸君所知生受交親死無負纒布向雄皆我師

胭脂井

弔陳後主也後主起臨春結綺望仙三閣日與張
麗華孔貴嬪等遊宴及隋兵至乃逃於井

臨春閣高雲不流仙女亭亭居上頭挈壺掌事斷更點凝
情轉態無時休百舌黃鸝嬌欲語六宮詩學江郎體蠻牋
照映珊瑚鉤玉樹陵臨文石陛日旰隱囊停細腰百司奏
事紛牛毛手披目覽隨所遭迴身拜謝君王勞吁嗟長江
古天險齊兵周兵君莫管隋家伐鼓轟如雷不似後庭歌
曲緩緩歌曲待兵來胭脂井裏泥青苔家亡國破不可道
故宮秋雨彫官槐

石頭城

譏褚淵也淵受宋明帝顧託賣國與蕭道成百姓
謠曰可憐石頭城甯爲袁粲死不作褚淵生

石頭城高百尺黃襪干付巾幘露車行逢七夕司馬門稱

定策保妻孥輕竹帛銀柱琵琶在誰席山中何郎笑格格
美鬚髯竟何益

污貂行

譏齊明帝也武陵王煜無寵於帝嘗於御坐曲宴
醉伏地貂抄肉梓帝笑曰污貂對曰陛下愛其羽
毛而疏其骨肉

大官一梓肉王子千金貂貂污猶可易忍疏骨肉愛羽毛
莫起後堂山莫射東田鵠剖心置地中何異數斤肉君不
見蕭家挺藕與杯漿不問典籤不得嘗累葉洪枝皆自翮
臨湘別自有蕭郎

禹川人

哀張彪也彪初在若邪山爲羣盜後奉表梁元帝
及陳文帝據震澤將還據會稽彪部將沈泰甲進

等叛之彪遂敗走獨與妻楊氏及一大黃蒼入若
邪山中陳文帝遣人殺之欲迎其妻其妻誓死不
辱遂許爲尼彪友人陸山才嗟泰等背叛刊詩吳
昌門
若邪壯士七尺身生死爲梁不爲陳雖然不及陳興國亦
是當時雄傑人萬騎翻城多部曲潛身獨上山巔宿夜半
火來爭斫頭黃蒼驚叫青蛾哭一哭田橫命何短再哭人
心不如犬

會稽隱

詠夏統也統會稽人隱於海濱晉史載賈充遇統
其事甚奇

會稽先生隱空谷不笑不言心若木竭來市藥洛城遊城
中哀哀多王侯曹馬自爭儂自隱濁河清濟不同流水嬉

未罷狂歌起一合乾坤驚不已晉朝太尉面如灰載得旌
旗愁落水太尉魏臣還晉臣子胥之曲間不間

余氏婦

美節婦也建州余洪敬妻鄭氏爲南唐將王建封
所略不屈以獻查文徽欲以薦牀席鄭氏以
大義責之文徽慙乃還其夫

烈烈建州婦奇節天下驚仁可充庖死難爲薦枕生將軍
案劍光如水欲殺蛾眉翻自恥幾回麟斷無奈何卻付藁
砧歸故里道有愧殺無限人辱身未得全其身

念家山

弔李後主也後主嘗演念家山舊曲

家山破家山破宮中一唱還眾和霓裳曲霓裳曲古時聲
慢今時速今時江水古時流六朝不見令人愁新音繫手

陶菴集卷十五
椒房出花翻葉落如清秋樂工曹生空案譜不比中宮邀
醉舞舞殘金縷葬娥皇玉環在臂畱悲傷民間傳得家山
曲處處歌塵繞畫梁妖淫感召兵戈起興亡只在聲音裏
吳苑荒涼走麋鹿石頭蒙冪生荆杞此時的的念家山宮
娥散盡無人彈長江遍是黃花水春夢悠悠只暫還

蚵蚾磯

傷汪台符也台符歛人有王佐材以書干南唐烈
祖爲宋齊邱所忌使人誘台符乘舟痛飲推沈石
城蚵蚾磯下

蚵蚾磯水瀾瀾磯下醉翁呼不起曾持牋上兩行書寫出
胸中萬卷餘長揖陞舟論管樂立談當世比嚴徐生平奴
視九華叟老語槎枒官鉗口屈原漁父兩冥冥翻憐君醉
人盡醒君不來兮醉亦得不見西山漁釣客

同時陳陶亦有台輔之器

以齊邱忌之隱
於西山後仙去

陶菴集卷十五終

順德龍鳳鑣校采

陶菴集卷第十六目錄

和陶詩

飲酒 形贈影 影答形 神釋 辛丑歲七月赴
 假還江陵夜行塗中口號 與殷晉安別 於王撫
 軍座送客 答龐參軍 乞食 連雨獨飲 詠三
 良 詠二疏 詠荆軻 癸卯十二月中作與從弟
 敬遠 答龐參軍 讀山海經 遊斜川 癸卯歲
 始春懷古田舍 止酒 停雲 示周掾祖謝 始
 作鎮軍參軍經曲阿 九日閒居 己酉歲九月九
 日 贈羊長史 還舊居 歲莫和張常侍 乙巳
 歲三月為建威參軍使都經錢溪 詠貧士 雜詩
 歸田園居 擬古 時運 勸農 移居 和劉
 柴桑 庚戌歲九月於西田穫蚤稻 丙辰歲八月

陶菴集卷十六
中於下溪田舍穫 五月旦作和戴主簿 酬劉柴
桑 和胡西曹示顧賊曹

陶菴集卷第十六

和陶詩

和飲酒二十首

辛巳杪冬客海虞榮木樓賓朋不來霰雪蕭然唯
蘇氏兄弟和陶詩一帙連日吟諷因舉酒自沃次
韵飲酒詩如左蓋亦陶公所云閒居寡懽紙墨遂
多者也

我生勞造化如器陶埴之一入圓方閒永離胚渾時縱心
觀虞唐履運傷今茲憂樂兩糾纏孤胸積羣疑沃以一尊
酒形影相攜持

平生麋鹿姿結愛林與山誤懷濟物心汨沒俗中言一經
如法律亭疑三十年彼哉曲學生功名已流傳

鍾期不常有我自得我情營道亦干祿入世仍逃名蕩蕩

宋華子莫知魯儒生如醉被雷燒此骨不受驚清狂卒如
初嚙唾將何成

飛鳥銜我髮是夕亦夢飛飛飛遭金丸翼塌心中悲車舟
有役夫夢醒心依依憶爲南面王悔使魂魄歸夢覺兩相
羨更迭爲盛衰未辨覺非夢歎矣休倚違

朝光入山樓棲鳥已驚喧攬裘曝新陽暖氣無頗偏仰視
天宇清得我簷峙山山中出岫雲變滅何時還我心正惆
悵默與風鈴言

瞽明而瞽聰尙存一者是是非兩變易乃復成譽毀深居
觀物態至竟爾爲爾蚊眉棲蟪螟厠床幻錦綺

挂書在牛角仰面思豪英虎爭一鴻溝割棄父子情舜禹
安在哉所持奪與傾蕭條二千年不見岐陽鳴痛歎呼豎
子斯人豈狂生

白雪豔清冬流風送餘姿梅花獨先覺蓓蕾動高枝巡簷
一笑粲所得乃經奇艸木有雕鏤我心無思爲一悟眾妙
門曩然脫羈羈

吳趨百貨集日中市門開輕重各相得龜貝俱滿懷一夫
操尺璧堅臥與時乖問子何高尚又復非巖棲什襲誠已
勤不如薦塗泥答言萬乘寶貴與連城諧捉裾使爾觀我
甯懷寶迷一市更俳笑拂衣吾將回

北山頗孱顏陟自城之隅風急毛髮寒四顧多荒塗一笑
語山英我至爾勿驅逝汲清冷泉浣此憂患餘高棲斯可
約豈必神麗居

戰伐揚兵塵飢荒墜行道懷哉漆室憂髮白豈待老酌此
三雅杯如雨洒枯槁枯多雨未足一漑邑亦好丹砂何時
成天地祕鴻寶置我塵壒間商歌望八表

萬馬脫轡頭豈有獨立時舉世尙輦輓我亦繡其辭顧念
古人心將無不在茲微言較分寸中蘊邱山疑長嘯上東
門恐爲時俗欺安得蓋世雄障江使東之

醉鄉無町畦我亦踐斯境陶令終日醉次公終日醒醒醉
盡稱狂醉者得要領生平鈍如槌觴至便脫穎猶嫌醉鄉
人身後名炳炳

我從嚶水來新知喜我至我從琴川歸故友邀我醉新故
兩相於何獨安卽次本追河汾遊不慕主父貴至言如醪
醪咽之有雋味

逾壯添一丁酒徒飲我宅醉歌尙盈巨殤去杳無跡古來
大聖人乃衍螽斯百豈無襄陵鄧亦有香山白此理茫昧
然而我何歎惓

我有小弱弟授以田何經經史略上口羽毛新欲成與作

百里別每歎寒暑更嗟我貧負米嗟汝勤趨庭祝汝勿學
我赤霄奮雄鳴孤雲飛寒原鶴鶴有深情

至樂走馬獵好之能發風君看日月曜自在金庭中聖人
守中規塞極乃得通所以苦縣言天道猶張弓

少小味義根探珠云可得歲月難把玩冉冉向不惑墜緒
旣微茫賢關屢開塞一室且蕪穢況乃活邦國逝將耕守

田稼稽在元默

我友兩三人天枉皆未仕覃思頗追古苦節洵求己彼貽
君房言我懷貢公恥何知彈指間相率赴蒿里使我爲塗
人學問失綱紀老驥疲欲休修畛浩無止俯仰百慮熒耿
耿或可恃

我愛陶夫子逸氣合清真遺民耦柴桑默語如飲醕有時
荷鋤歸悅喜良苗新薄醉便忘天急觴欲推秦後此李謫

仙胸中亦無塵王侯輕蟬翼紀叟獨殷勤以我學二子頗
覺風期親有如桃花源漁子能問津傾壺就釣罟漉酒裁
疏巾安用聖人爲臣今中聖人

和形贈影

海鯤能化鵬麥有爲蜨時當其鵬與蜨故我豈戀之如何
我與爾百年拘係茲雖非膠漆堅坐臥如有期不見爾去
我爾又無畱思日月兩跳丸俯仰情悽而去去躡紫庭愆
室恐受疑屋漏如可昔爲我商一辭

和影答形

一鏡持照君盡見君妍拙餘鏡復照我鏡鏡皆肖絕君我
同鏡華等無可喜悅念居歷劫中幾聚還幾別君清我之
明君沒我之滅終無至人術水火不濡契感此相因依微
分爲君竭木葉將幹設一視無優劣

和神釋

我在天地間肖貌則斯箸刀匕利可滅我獨無新故譬造
土偶者泥水相依附泥潰復歸土曾聞咎人語今我與二
子假合爲同處我動爾豈知爾行我仍住生滅一曙間那
復由氣數多君束縛我遣作閒家具冰炭成哀樂波瀾生
毀譽如今棄不將不待將不去禪家有死時將不去之說猛虎在山林
獨往無怖懼至人如孩提不學兼不慮

和辛丑歲七月赴假還江陵夜行塗中口號

昆陽舟中遇雪作

歲暮多烈風同雲復冥冥迢迢百里間亦似千里情憶我
寒梅花茲晨笑柴荆喧啾下鳥雀剝啄來友生豈知孤篷
下一笑雙眼明泱泱文漸流遙遙巖岫平舟重旣晨發路
迷且宵征所欣豐歲祥農扈可以耕兼悲凍死骨不見蔓

陶菴集卷十六
艸榮一觴酬袁安媿爾千秋名

和與殷晉安別

送天河令徐孟新

臨岐多淡然別後心長勤況茲萬里遊隔我平生親綵紛
入膠庠得子成芳鄰俛仰二十年不異夕與晨循道豈有
殊眷此行藏分我居子獻策荏苒踰冬春人歸筮盍簪客
去詠停雲章縫及銅墨笑談阻清因所願酌貪泉不改吳
生貧上言敬皇休下言撫烝人

和於王撫軍坐送客

再送徐孟新

我嘗遊西江春盡花艸腓竹間墜猿狖木杪聞催歸子今
行此道我夢猶依依夢中與子行既覺乃乖違交淡欲無
言事歡宜塞悲羣龍今滿朝火辰揚其燁羸糧兼策馬尚

恨功名遲贈子青蘭花以當瓊玖遺

和荅龐參軍

三送徐孟新

宜陽蠻蜚國頗習中州言蒼山擁縣城隱几如邱園閑咀
馬檳榔靜詠春陵篇喧喧銅鼓中琴歌獨悠然我欲往從
之奮飛無階緣佗間嘉政聲憤懣當一宣吾家老涪翁清
風滿江山將子畱妙染餘事垂千年

和乞食

方朔雖長身侏儒頗笑之貧欲去揚子避席反遜辭嗟予
累口腹此日貿貿來堂下設麤會筵苒置殘杯對之駢我
顏強詠衡門詩事事遂淵明獨如彼寡才才拙性復剛我
窮真自貽

和連雨獨飲

影與我爲雙無解此笑然孤斟勸我影終勝監史閒缸花
豔深杯起舞聊踟躕欣感兩何爲我上不有天天豈讓一
夫久處安排先乘流且安行遇坎當徐還庶幾風波中養
此艸木年不見桃李花去去無多言

和詠三良

忠臣死社稷忽若鴻毛遺不聞棄髮膚下薦螻蟻微堂堂
百夫特殺身奉恩私清血沾便房遊魂依總帷小節亦何
有君德良已虧不見蹇叔徒黃髮各有歸蒼然墓木拱死
豈忘塞違遺風旣慘黷容悅更相希託泣與佞哀生作牛
山悲吾誠愛吾鼎不願衣人衣

和詠二疏

仕宦如飲酒酒半當辭去環坐式號呼甯復有佳趣二疏
管在漢抗志黃鵠舉天子重元寮儲君惜賢傳蜚遯竟超

然歎息動行路便便夸毗子登隴左右顧進慕鐘鼎羶退
邀朋黨譽白首纓華簪此豈真急務陶公棄五斗千載符
風素高車感傾覆曠語發深悟伊子老匹夫無復羈絀慮
富貴倘不免斯理久昭著

和詠荆軻

六國本蚩蚩弱姬而爲嬴葑鋒指督亢太子呼荆卿雪泣
視日影戴頭入咸京金注豈再擲不待彼客行秦強資盜
馬楚霸用絕纓馭士以度外能屈四海英憶叱燕市上劍
歌有雄聲狗屠與漸離皆足托死生拈掇苦不廣自致匕
鬯驚丹誠昧大計軻亦負虛名客中有此奇寄在何門庭
早進黃金臺當值數十城在燕非一管臨發乃經營豈唯
劍術疏好謀不好成千秋博浪椎一擊非凡情

和癸卯十二月中作與從弟敬遠

偉恭初爲博士弟子作此示之

毛義非通人意與當世絕撫茲劬勞願衡門未能閉寄食
漂母餐養高袁安雪進退欲如何終然抱孤潔今朝講肆
開俎豆爲爾設躑躑媚學子遊戲亦可悅所願遵周行壽
修有芳烈旣擷三春華仍存貫霜節吾衰甚矣夫邱園將
收拙不見同人交語默本無別

和荅龐參軍

送侯生記原遊北雍

養真衡茅我讀我書瑤珠玉璇斐然清娛豈無雅曲駭彼
爰居子非侯芭載酒吾廬子有羣從維席之珍穆穆醕酒
不可疏親艸木同臭矧伊喆人一室邈然天涯比鄰嘉運
邁會撫情孜孜天閭旣開將子謁之策爾名驥陳我侷詩
嗟老羞卑亦匪我思緩子旬日終當離分子遄行矣謝慙

招欣屹屹燕臺亭亭吳雲豈必風翻嘉聲遙聞八音綢繆
黃鐘獨鳴臬盧先得陋彼撩零祈祈國胄集於上京鶴起
爭高龍盤塵甯陶陶朱夏颯來雄風六翮旣有在盈宜沖
抗手一指鼓琴三終爰贈爰處各敬乃躬

和讀山海經十三首

陶詩多遊仙語坡公讀抱朴子和之子讀陶隱居
真誥有感聊仿兩公之意

今日晝景清雨翻蕉葉疏真氣一回薄虛白生我廬緬懷
千載人授記得奇書中苞仙五品有載鬼一車華陽有高
隱靈筆勤記疏開帙再三歎我豈火宅俱願學張激子闖
然遇山圖慧業有先後精誠或相如
隱居高蹈士長揖賓龍顏靈風結遐想駐彼無窮年千秋
征虜亭不遠句曲山吾欲劇醪醴誰當餐至言

陶菴集卷十六
陶詩
我聞興甯中龍書滿山邱許君及揚羲靈氣相與儔真經
有淵源此書導其流逝追長史轍改字爲遠遊
仙人紫清妃偶景匹陰陽假合夫婦名二曜同久長凡夫
想搔背終不見神光咄哉張陵術誤人赤與黃
短世積悲愁愆房生愛憐舟車載人罪送入羅鄴山高眞
發慷喟嚙嚙有苦言世智等蜉蝣不思龜雀年
吾家子陽翁服餌兼艸木頽齡九十餘忍死臥空谷朝剝
桃皮食莫赴黃泉浴丹成入霞門玉晨光照燭
阿映初得道百鬼來太陰周魴嚴白虎捕詰紛如林人馬
忽驚徹空中有佳音火鈴是何物旌此勤苦心
荆棘滿人世中藏火棗長翺棘出火棗啖之亦尋常鸞音
倡作曲鳳腦剖爲糧來去若飛鳥遊戲天中央
天地咎崩分英雄競馳走秦項與曹劉百戰爭勝負下視

山澤矚眇然亦何有豈知賓四明坐落此曹後
琅花非一葉丹籙滿山海微形入空虛無在無不在十試
一不過退落俄成悔風火誠可惜日月不相待
仙釋本一機如月在標指因煩而領無此事出生死內欲
存中黃外不遺踐履三官倘鉤攷虛皇信可恃
青烏本凡材朱純實賤士直以辛勤故颺輪爲之止高人
體蕭蕭視彼奴隸爾有心如右英得不許斧子
浮世眞肉人身身忝仙才清都有朋舊聯袂望我來岐塗
與素絲舉目堪疑猜過此少味矣我生豈徒哉

和遊斜川

遊桃花澗觀水作

山行無病期佳處輒小休愛此巖壑名慰我寂寞遊沿緣
一水曲目蓮心自流洄洑類修蛇呀呷如驚鷗尋源忽而

止惆悵復經邱邱中戴勝鳴關關互相儔農歌隔田水此
倡疑彼酬丈人吾師乎知有秦漢不枕流雖未能樂水且
忘憂顧慚濠濮趣天機猶外求

和癸卯歲始春懷古田舍二首

沈生隱居城南有地數百弓鑿渠通水雜植珍木
予與唐陳二三子以春晴訪之畱飲海棠花下遙
望夾岸桃花與平疇相映悠然樂之因取陶公語
名其亭曰懷新并題詩二首而去

在管間桃源漁人一來踐躡尋久未得愴恨豈能免番番
市南翁跡邈心自緬力穡同齊民傳家師上善手植千樹
花春至令人遠我行流水上心蕩不知返遊侶亦相忘緣
源弄清淺

舊穀滿場圃知子良非貧糟牀注春醪酬汝四體勤開軒

一笑粲莫適爲主人薺芽花乳香鱸縷銀絲新咄嗟行酒
炙童僕皆欣欣中原有格鬪行子勞問津不能濟時代甘
與農圃鄰逝辭謝景夷來就劉遺民

和止酒

與偉恭共申戒殺之禁因戲和陶公此詩詩中有
云好味止園葵是公亦學佛作家

管和岐亭詩見殺卽勸止欲將不見聞攝入見聞裏邇來
縱鸞刀老饕何氏子譬彼剛制酒觸酒復歡喜默思喪亂
來冤魂呼不起糟豬恣咀嚼春磨無天理朱粲云醉人肉
如糟豬黃巢有
春磨是生皆惡死何分物與己己物旣不分微命亦同矣
斷殺有頓漸梵網頓制鹿苑
以來毗尼漸制悲力無涯涘縱嘲儒入墨殺

牛遜論祀

和停雲

黃文旦敬渝楚產也談性理之學兼通世務以計
偕路阻紆軫過膠抵掌而談有詩見贈於其行也

和停雲詩答之

密雲在郊惜其思雨瞻望金臺道路修阻傾蓋得朋孤琴
載撫爾驂旣停我輶斯仁有晦者學千禩冥濛我障我疏
如彼河江月出皎兮談話西窗抗懷古初掉鞅以從春葩
躍林秋憇其榮子落華芬孔思周情於古有言斯邁斯征
尊聞行知以勗鄙生水有澄波松無改柯輿衛具矣式鳴
鸞和磬磬蒼生望子實多我亦枕戈如祖生何

和示周掾祖謝

夏鎮謁先聖廟作

此邦本尚武弦誦亦可欣投戈拜宣聖感彼歌風人地屬徐之
沛縣有漢高帝遺跡我來訪遺黎兵烽歲相因膠鬲隔荆杞狐兔競

來臻豪聖兩歇絕英圖竟無聞延頸待賊刃拜謁良已勤
土人云今年流寇以三四騎穿土城而過居人奔避吾聞
不暇其不及避者皆長跽受刃不復敢以一矢向
古黔夫牧守祭四鄰淮海未云晏浩歎黃河濱

和始作鎮軍參軍經曲阿

過武城泊甲馬營驛村中秬米已甗居民頗有樂
生之意偶至野老周渭南家與之談有足異者因
誦陶詩云日倦川塗異心念山澤居次韻以贈渭
南

客行倦永久晨夕無可書此鄉風土佳宛爾吳會如青囊
繞場圃阜榭垂交衢中藏十畝園溝塍自通疏主人種瓜
者銀青莫甯紆丁壯合二耜兒童課三餘我非賈大夫思
與季主居冥飛學歸鴻樂遊隨儵魚不知誰迫我心跡乃
爾拘驅驅黃金臺愧爾南陽廬

和九日閒居

癸未九日寓京邸寄偉恭及諸親舊

羈心如秋艸方枯已旋生良辰過我壽端憂乃無名厲厲
驚飈嚴皚皚山雪明朔雁流寒影邊鞞動悲聲古之豪俊
人感此多促齡我獨胡爲爾尊開且徐傾平吟懷惠連默
對思公榮知音不在側何以訴中情願爲雙飛鴻羽翼不
可成

和己酉歲九月九日

晨風歎北林好音時一交聽之忽不樂庭柯已秋彫搔首
望薊邱策馬欲登高終風卷蟲沙萬里暄璇霄沈歎自騷
屑斗酒蠲煩勞酒半生清悲焚我腸胃焦遙遙知此心獨
有五柳陶浮名棄之去千載同今朝

和贈羊長史

請假南還經樂毅墓作貽同年二三子

七雄管橫鶩君臣相託虞明明望諸君丹青照遺書金臺
久摧塌邱隴存舊都輒云土一抔峻巖不可踰我來觀國
光艱難撫皇輿寤思明義存寐與精誠俱南轅過良鄉拔
劍心躊躇騎劫今在軍巖疆定何如乾坤日蕭索江海多
榛蕪問誰列周行翕習乃多娛壯士方虎步廟謨慎勿疏
西當封嶠函南請懲荆舒

和還舊居

椒裘已傷離望門反愁歸吾生如波瀾流坎皆可悲潛身
學閉關卷舌謝百非玩思天地心編剗古所遺真交二三
子相見語依依譚諧未及終急景已相催萬境如簷花當
盛便有衰童子勿弄影憂樂付一揮

和歲莫和張常侍

寒夜與所知小飲

朔風鳴枯桑寒冰合井泉萬物皆知時夫我獨何言翳翳
掩蘭室心思悵已繁故人一來斯音旨良未愆問訊我無
恙單車度千山笑指青鏡中攜此白髮還莫景來飛騰儒
墨兩徽纏坐忘先師訓無間送華年逝水昧還期菁華知
暗遷一觴且盡醉醉醒兩茫然

和乙己歲三月爲建威參軍使都經錢溪

送侯生智舍看梅西山

西崦有佳花首春烟霧積良遊阻塵鞅耿耿懷在管野寺
流晨鐘雲林矯風翻湖山光皎鏡千里如不隔之子天機
深平吟謝形役一持金石韵如與清賞易幽悰方悵勤況
復暫離析寄言山中人參取庭岸柏

山中有僧談臨濟
禪智舍將從參學

和詠貧士七首

平生蹈正軻遇物心依依孤燈倚空壁思俗寒女輝力少
意自多如走不逐飛盛夏賦行役凌冬復來歸崎嶇何所
得所得寒與飢逝展丈夫雄永釋兒女悲

我興曠古懷不見羲與軒章韋豈不好未能易邱園疲馬
愁路岐破劍銷炎煙曷以抗老飢道書讀且研南鄰不厭
子講德有微言原憲蓬蒿人誰謂賜也賢

孫登彈一弦陶有無弦琴宮商雖巉嶮千載流孤音客有
爲子言枉尺靳直尋軒渠聊對客酒貴吾不斟亭亭山上
松高節爲眾欽孰云異語默而不同此心

朝得故人書緘題日在婁

鄭超宗同
年寄書至

開緘醜十觴天未遙

獻酬杞國憂天傾媿婦恤宗周哀哉許汜輩乃懷田舍憂
赤風蕩中原飛鳥止其儔傾筐謀一醉已矣慙苟求

坎坎伐檀者乃在河之干山榛有深恩退隱於伶官吾道

若拱壁豈以買盤飧應知賢達人亦迫飢與寒清風灑空
虛永慕陋巷顏猪肝累鄉邑去去之河關

落花墜茵席其半隨飛蓬繫豈賦命殊無心成化工絳灌
排賈生何侯薦兩龔得失自在彼屈伸將無同默思塞翁
旨固窮有餘通逃富豈情與輒鞭未可從

好遊非蜀嚴亦歷四五州出處雲無心頗與簾肆儔滅釜
然孤炊投錢酌清流我生如百艸遑代春雨憂客來仰屋
梁有諮多不酬問我何苦心居貧宜進修

和雜詩十一首

劫風吹南山化作海底塵四大互騰轉忽然有吾身狂馳
百年中擾擾分怨親豈知冰炭懷靜與虛空鄰有生會歸
盡有夜會嚮晨星鐙兩翳幻吾將問化人

精衛何其愚填海欲成嶺夸父持杖走猛氣逐日景彼爲

不可成至竟同灰冷予持一寸膠澄彼江漢永大明扶陽
烏螢尾滅無影儒門誠淡泊分道貴同騁身中艸賊敗信
矣煙塵靜

細物有蚍蜉撼樹不自量下士笑大道如路擬諸房翼然
望觚稜何者爲中央河汾稱釋迦龍門紀伯陽信美未探
本多岐誤羊腸

夸者爭榮名幾人能至老孔翠傷其尾明膏不自保中台
星未坼金谷酒將燥此時褰裳去豈非見幾蚤咄哉彼蜚
螂丸糞死猶抱相牽入甌門歎息復何道

拔劍登高臺曠望悲楚豫誰爲虎傅翼餒肉使騰翥厚下
有長策兵倉急可去如何截足趾而爲適屨慮惟水載覆
舟民情兩相如奔鯨挾駭浪跌蕩安得住平生湖海客高
臥恐無處棟折將壓人國僑能無懼

醜者自云妍言醜輒不喜無鏡百醜呈何與言者事刀蜜
不可嘗諫果有深意古來苦硬人我獨不相值飛光轉簷
宇流莫何其駛四十嗟無聞百念都棄置

正風何冲融楚騷淺以迫元封建安祖述遞阡陌波瀾
漲庾鮑酋帥雄甫白崎嶇文章境坐使堂奧宅吾觀道與
文不啻分主客永言思無邪性情有真宅

漢儒於六經寢食猶農桑千百存什一踏馭米與糠後人
恣揀汰適道資贏糧回幹侷雲漢條通儷陰陽我耕君食
之此意勤可傷側聞斲輪言冥會神無方林中日觀易如
舉瑤池觴

昨預曲江遊龍樓拜元端有詔推史才慙愧邱明遷貞女
恥自銜經經已華顛我豈利齒哉名可噉而殮東方隱金
門龐蘊空世緣季孟參處之志在淵明篇

高人夏仲御木石隱會稽兒撫賈太尉拂衣歸蒼崖阮公
稱曠達奇志寓詠懷竟造九錫文此穰天可彌君子終日
行不使輜重離應龍潛元關曷識翔與羈窳乎飄風旋不
消還不虧

鏢石始南薰折絲始微涼秋鴻隨陽來春鷺定巢梁喆人
見未形如矢來無鄉風詩戒綢繆周易謹履霜此意久欲
吐復恐吾言長

和歸田園居六首

予欲耕無田欲觀無園偶讀容城先生和陶詩云
安得十畝宅背山復臨淵是亦貧者之作也因本
其意和之使偉恭諷於座隅以爲嬉笑焉

家無環堵宮子隨家大人
餓屋以居所至思買山何異俟河清人壽
期千年安得如古人采山復臨淵敬受十賚文賚以北阪

田巖棲高百層老屋餘三間湖江流東西竹木榮後壽中
央置講堂文史浩如煙歌風復蹈雅樂死忘華顛此意恐
蹉跎飛光去閑閑畫餅不可食詼諧聊復然

樞馬貪棧豆至死困羈鞅涸魚縱老湫豈復有還想物性
限通塞喆人矢長往逍遙漆園吏簡潔彭澤長顏延年陶
徵君諫廉

深簡天全不求鑿性褊聊自廣脫略世教外報我以鹵莽
菊潭有甘泉飲者壽古稀華陽有真境遊者憺忘歸安得
乘飛輪靈風卷行衣選麗盡所愜研神永無違

村毗不解事妄意城市娛豈知金閨彥亦復懷村墟超遙
至人心適我成安居視世等塵露視身同樛株樂是蓬蒿
閒中心常晏如東鄰牙籌多西鄰木石餘雖俗更相誚至
竟皆空虛爾有倘非有吾無豈真無

天道夷且簡人情險而曲乘雲招松喬高屋翹吾足蘇軾
詩翹

足高屋下
見羣兒柴桑有深意會者唯玉局酣歌豈足恃日月如
轉燭冥靈忘春秋朝菌限昏旭

吳山如好女恣態浮綺陌往買二頃田飲河心易適梅開
玉雪眩風落霧雨夕五湖白浩浩攬取入簷隙花鳥吾友
于文賦爾僕役野老課耕牧家人勤紡績此意信悠哉夢
遊果何益

和擬古九首

嚴雪秀松柏勁秋彫蒲柳貞脆各有終金石獨堅久鬱鬱
復鬱鬱起坐思親友出門無所見入室斟吾酒山川多白
雲契闊兩媿負非無千黃金不敵寸心厚寸心豈云多市
道乃無有

朝見東日升莫見西日終咄哉宴安毒懷之劇兵戎大禹
惜寸陰卓爲天下雄千秋長沙孫榮木悲勁風往古去不

極來今浩無窮詎忍學艸木悠悠時序中

亭亭采桑女清光映城隅羅衣形纖手皎若春蕙舒芳風
何飄飄薄莫歸重廬行子皆歎息願言與之居空簾隔星
漢白露委薜蘿淵意不可道蹇修定何如

步上姑胥臺悲風來大荒古墳何嚙曉下有黃金堂寶衣
化寒灰月露浩茫茫朝割據時復作繁華場侯王及厮
役聚斂歸北邙感此拔劍舞青山爲低昂秉燭方視夜歛
忽明東方我非好名人亦起羊公傷

秦王索趙壁舉國莫能完相如晚殿柱猛氣衝危冠歸逢
廉將軍煦嫗有好顏兩虎不私鬪丸泥封函關奄奄曹李
徒竟死持兩端如彼千歲狐伏匿辭抨彈道遠識良驥鳥
多知孤鸞惻愴無衣子誰爲共歲寒

弱羊見承平自謂長如茲一從更事來世已非弄時雕虎

橫井陘黃流混澠淄仗劍出門去行行復狐疑路逢季主
儔問彼龜策辭龜策不我告黽勉自研思仁義心所安皇
天不吾欺瀉水置平地東西任所之撫琴操倚蘭亂之以

俛詩

華月澆閨景絲管含清和美人如飛鸞楚舞能吳歌歌竟
蘭膏滅永夜歡情多嚶嚶巧言鳥榮榮朱槿華華落鳥飛
去愉豔其如何

萬物互膠轄至人獨天遊太倉含稊米稊米含九州心棲
無何鄉水定橋自流纖塵點靈臺蔽翳同山邱堂奧開西
竺合轍推莊周斯言有妙理當以寂寞求

吾友夏子云列
子近仙莊子近

佛

崇蘭有遺芳幽谷行采采斯須落鮑肆坐覺清芬改脂車
適崑邱檣舟濟滄海日短道路長況復堪久待潔清存靈

神矢之以靡悔

和時運

再遊城南沈氏園亭作

翩翩同人藹藹芳朝非駕非舟卽彼近郊新萍泛泚溫煦
凝霄一雨如絲溪卉皆苗悠悠方塘我纓旣濯膺膺清
載遊載矚時節來斯悵如未足寓目成賞式陶且樂管經
魯邦吟詠清沂古人邈矣浩歎遙歸蒹香在懷獨弦是揮
豈有榮名投竿以追班荆蔭松指日吾廬雉雉登壘鷗行
炯如弟子撰杖先生提壺物我欣欣一歡在子

和勸農

惟我海孺雜居四民兼貧擅富滑其醇真流庸失業旱蝗
相因易子而食幾如宋人辛巳歲大荒民相食稽古農皇爰及唐稷
無有舄鹵而不播殖吉貝麻麥功比力穡輒云療飢必需

鼎食有滄春興膏此原陸牛犁整齊男婦悅穆隻雞祭社
其至麀逐坐賈行商不如野宿博戲誠樂此窳難久居有
僮指出有鄰耦古稱區種十斛一畝棄稷弗務咄汝遊手
樂歲厚積凶猶勤匱有匱靡積汝復奚冀肥磽同疇勞逸
異至驗彼收穫情農斯愧同是烝民或生邊鄙燠爛有期
鋒刃是履此焉不思甌災一軌爾耕爾畬一變俗美

和移居二首

移家寓邱氏鄉園作

我營瓜牛廬君乃推大宅暑借竹柏陰寒庇風雨夕一從
懶惰來事事避形役不能理牆屋卒許均茵席身非漆園
吏蘧廬如夙笈來此誠偶爾去彼非蕩析
鄰翁天機深不讀書與詩我爲道今古巨學頗有之日出
長營營日入無所思青青舍北松識彼年少時見人無指

讓親疏竝如茲祝爾勿入城恐遭童子欺

和和劉柴桑

我經山澤閒細行每躊躕今茲荷天力靜寄田園居牆連
友生家竹映從弟廬流水周屋下雞鳴應遙墟閒訪齊民
術精微在菑畚井臼時一操習氣通勞劬賓階綠苔長蕭
徹禮數無去去久如茲人代自相疏默哂桃源人衣食煩
百須彼居既不出我往定焉如

和庚戌歲九月於西田穫早稻

伯父正字先生老於南晦種樹穿池皆有深意予
移居相近日盤桓場圃之間因仿坡公意取淵明
詩有及艸木蔬穀者次韻五首以呈

西郊青冥色在此長林端主人未梳頭先報竹平安風吹
雨衰時客來但遙觀獨行籬落中細斬惡竹還今年驚蟄

蚤筍萌破春寒烹煖雜羹臠餽周貧難我來吟空庭高
興不可干橫空一縞鶴識此清癯顏此君本蕭蕭與世無
相關兩袖清冷風相對亦可歎

和丙辰歲八月中於下潞田舍穫

旄桃結水濱雀梅出牆隈我涎如飢咬飽嗽兼袖懷園丁
裁接時巧與物性諧澆培三四年根高可棲雞曾愛花萼
好提壺賞周回再來見綠葉節序迅可哀舍南葡萄葡萄藤滿
架微花開清香落卮酒玉山自傾頽野芳遞滋蔓野情無
張乖尋玩艸木性甘從山澤棲

和五月旦作和戴主簿

村居如修齋餅壘笑艱窮有時思雞豚往預社案中獨有
三畝園霍靡無凶豐新葺耆齒老非延溫風閉門種蕪
菁可禦一歲終食肉智常昏采山趣彌冲堯禹眞父老未

謝玉會隆棄機從漢陰礪齒懷碧嵩

和酬劉柴桑

芝菌含雲氣不肩生道周紫蘭本孤芳抽莖待素秋獨有
大宛麻扶疏繞西疇八穀性雖良能復勝此不服胡麻能
斷穀陶宏
景云八穀之
中唯此為良服食嗤子房赤松豈堪遊

和和胡西曹示顧賊曹

芙蓉開方塘晨朝倚輕颺有如翠幕中秦女卷紅衣元天
鄭樵云女
人以葵漬
為假色
一滴露夜氣杳微微浮榮笑朱槿假色羞戎葵
揮魚鳥日親狎悵悵歸田遲蒲荒菱復少池上含空悲

陶菴集卷第十六終

順德龍鳳鏤校棊

陶菴集卷第十七目錄

四言詩

題程孝直畫蘭 題葉石農聽田水圖

五言古詩

詠史二十四首 次韻和東坡岐亭詩五首 秋日
過子顯再次岐亭詩韻 再疊詩韻寄張元里 和
坡公歲莫三首 書懷寄奉常張篤棊先生 暑日
見耕者歎之 遣興三首 陳烈婦詩 偕子宣子
顯啟霖德符入西山看梅 望廬嶽 泊舟行江北
村落 送友人會試 再和坡公歲莫三詩 題娛
拙齋 送侯豫瞻銓部 送雍瞻赴南都五首 釋
褐後寄偉恭

Blank page with vertical lines for text.

陶菴集卷第十七

四言詩

題程孝直畫蘭

倚與秋蘭植彼中阿有馥其花有黃其葩雖日幽深厥美
彌嘉之子之遠我勞如何

題葉石農聽田水圖

儒邪禪邪波瀾莫二絕澗斷潢輒知其意我嘗問之石農
之隈笑而不答彼何人哉雲中一鶴擺落華芬浩然天放
置邱壑中儒邪禪邪糟粕已夫吾師丈人田水可娛水流
花開水窮雲起於傳有之知者樂水

五言古詩

詠史二十四首

鸞鷲常特棲騷裏辭服箱古來俊傑人不在亾主堂六國

管崩分豈無賢與良青蠅飛竿旌讒妾踞瑤房屈原既放
逐楚事以任攘信陵見猜疑蛙黾遊大梁悠悠狡童心仁
義愁我腸逝言空國都啖會恣虎狼往車有折軸後駕宜
周防願迴目睫智一爲辨圓方

至治合柔德大淵何油油吾觀五千言精意良可求孝文
尙清淨我人以和休絀冕事上帝几杖懷諸侯輕稅道則
貉偃兵世如周雲門雖未作函夏愴忘憂誰與用趙張網
密仍吞舟

瓦注自然巧金注自然昏注者豈有異外重亾其存智略
逢世資利欲汨本原貧賤生富貴富貴入甌門君子遠凶
德小人惑調言不見楚春申晚節困李園

汜水據帝圖功高意已怠患此爭功人而難盡菹醢艸艸
叔孫生彌縫雜鄙猥遂令鞅斯毒流漫互千載漢在井田

亾漢亾族誅在卓哉魯兩生抱經竄山海

白起善合變首身乃分離蒙氏制險塞骨肉遭參夷李斯
非先王門誅屍其尸王翦滅六國三世旤隨之此人徇功
名快意無不爲所斬恬飴蜜頭顱積邱坻謂天如覆匱天
道竟有知宣尼戒餘殃曲逆悔六奇明明周與召秉德千
載師

章邯將烏合禽滅數諸侯蹉跎竟失計刎首於廢邱泣河
不溢水負薪無完裘韓白諒不支斯人復奚尤不見陽和
至蒼鷹自化鳩

皇漢傳八葉殃源始椒房五侯連甲宅旌節夜有光大角
纏逆氣三辰失天綱便便文墨士桀犬吠中央勢重賢爲
佞權移陰脅陽史臣謹災異可以告明王

燕昭管下士樂毅何賢哉雲龍歟然合豈必駿骨媒一說

連五國長驅盡東來殘兵哭濟西青社遂成灰戰伐天未
厭仁義我所裁明王忽不御貝錦入甯臺鳴夷待國士駛
騏賜庸才再拜黃鵠舉遺書使人哀

季子過洛陽買臣還會稽當時路人心盡是嫂與妻勢利
徵涓源陰權生甌梯達心亮先見寡識至今迷上蔡犬可
牽牽之若龍驪華亭鶴可聽聽之若天雞

建光失神阿柔雍遂盤據根株連紫房日夜興黨錮慷慨
二三公奮髯欲收捕虹蜺揚其輝牢獄竟填聚殄瘁憂邦
國烽煙逼王輅小人亦剝廬曝骨紛無數清議死不泯劇
賊尚瞻顧浸潯娛九錫未敢移漢祚至今襄城野突兀李
膺墓憤景入空蒼蕭蕭殺狐兔

淮陰萬少年王孫獨鵲起貪狼絆京索批亢無堅壘燕趙
既探囊三齊復折箠假王化爲眞畫繡榮閭里响姬命亭
長爲德何當爾再拜謝君王小人誠自恥豈知平生言恫
恫猶在巨窮鳥空入懷竟負鍾離子明朝走狗烹公亦隨
亾矣咄咄魯朱家匹夫猶隱死

闕于帳下牽泚水賁軍將立談獻奇策決勝良足尙外黃
一小兒燕壁一廝養全君與活國傑立萬夫上相馬遺元
黃相士收佃儻十步有芳艸斯言詎云妄

威獸未入漢邳支方挽强子公仗劍怒一戰殪戎王捷書
纔視艸劾奏已成章大臣衡與顯搖筆侍巖廊臂詘妨射
虎聲頽坐貪狼何人泣李廣永毒壯士腸

吾觀哀平間二士心相於一士耽荒宴一士敦詩書一士
醉投轄一士貧拚廬若云任運妙一士良恢疏若云立德
善一士守其初甯知天下亂性命咸崎嶇虎啞不擇人鶴
飢不擇魚方信古人言亂邦不可居

猛虎踐機牙，割屠在鸞刀。須臾決蹠去，百夫不敢要。伯愼固名士，義真亦人豪。持節臨中州，奮劍清黃妖。仲穎小豎子，殺之如燎毛。時來生猶豫，事往空鬱陶。一變萬歲塢，再變當塗高。

飾媵爲嫁女，飾櫝爲賣珠。女棄珠亦投，我賤彼反須。鄒生述神怪，本與仁義俱。王侯駭談端，擁篲爭先趨。古道委榛莽，淫詞濫笙竽。遂令燕齊士，拭舌談怪迂。鮑魚腥沙邱，巫蠱亂鼎湖。哀哉一言失，臚傳多賤儒。

高岡至神鳳，此蹟曠千年。明穆豈不會，要非彼所賢。伯鸞初處室，耕織詠遺編。容裔來上京，超遙觀人埏。道消謝尼父，心結求魯連。避地固知幾，賃舂亦中權。五噫滿天地，散入皋亭煙。

雲屋豔神仙，垂羅隔煙霧。玉階大桃花，無情亦見妒。婉彼

管與趙，故年將薄姬。逝存貫霜心，恥鬪朝日姿。雙飛旣連娟，獨立猶低垂。珠玉語塵沙，餘光莫照之。君肯啞啞笑，此笑甚於悲。蒙恩相顧問，貴賤隨聲移。感此一寸心，爲誦王雎詩。後世逞淫昏，燕燕吁堪危。

陶公經世士，擁懷在田疇。如彼江湖濱，頗代濟者愁。人無訪諸葛，我亦傲檀侯。寄此醉醒閒，以聽時運流。如何噉名子，捷徑橫山邱。

神龍非騰蛇，伸屈繇我身。天飛苟無時，曠世藏其鱗。龐公生漢季，道與唐虞鄰。堂堂劉荊州，可望不可親。搗來牀下客，乃是隆中人。太息三分畫，而後知其因。

五馬旣南渡，亂流何滂滂。離石方虓闕，鄴都復獠狂。符開關陝竟，李割庸蜀疆。魚羊歌慕容，五將讖老羌。時來互驪首，運去爭履腸。南北斷如礪，漂流逮隋唐。彼以無道得，宜

以無道亾生靈獨何罪天問莫能詳

葦籥本伊耆玉尺傳周鑄化與陰陽流樂由和平造鄭女
若飛鸞秦宮象蓬島此時間正聲覺淡不覺好寶常師古
雅妙達逞妍巧同奏揚廣壽何人蒙絕倒

槐柳羅甲第松柏蔭邱園邱園長寂寂飛蓋自過門朝遊
子威宅莫入聖卿里結託要路津自謂長如此繁華如激
筋斲患無停波衣裾一輕撇悔來當奈何始信蔣詡徑求
羊可以過

越王戰笠澤兩翼分精兵還憶會稽時此曹多未生丁年
懷大辱白首定雄名蚩蚩燕太子剋期遣荆卿

次韵和東坡岐亭詩五首

坡公岐亭詩五首其第二首爲勸陳季常戒殺而
作近代和者頗多友人張子灝語予日子姑現老

齋公身而爲說法予勉應其意如坡詩之數

罟師貪得魚不憎魚化汁屠伯嗜殺牛不見牛眼溼嗟彼
殺業多所以遭汝得彼債旣已償汝憂差獨急微性憐朱
朱愚仁赦鴨鴨三品戒庖廚百籩謝巾冪獸炭與松明入
鑪平等赤象髓與韭菹入喉平等白深坐不橫參大歡不
洿噴敢邀天公憐庶免佛子泣靜念古賢人飢驅會常缺
今我餘艸蔬猶堪饗嘉客推此告同心暴殄非雅集
管有愚小兒垂死思肉汁世人與彼同談會口常溼大罰
方後隨無肴汝猶得胡然一晌甘易此人難急列柵囚雞
豚排籤戮鴟鴞驅驅黑業中何由發其冪我喜周生廚堆
盤葵蓼赤我念隋帝庖剖蛤毫光白爲生雖有累如僧但
加憤爲帝苟推心何異下車泣所嗟願力微不救世界缺
鸞刀啟烝嘗折俎供賓客大哉會時觀觀彼諸苦集

鍊炭辟炊煙肩玉煮微汁此人使意時有如魚在涇苦樂
更共之麤糲安可得明者勇持戒不異救頭急憐魚如金
魚憎鴨比花鴨心心生慈雲大地爲之羈念有天地來川
原屢殷赤人肉賤於狗所斬無黑白及今全盛時嬉遊多
岸幘當思酒肉臭足感鬼神泣魯叟笱彌縫瞿曇補其缺
悲憫共因緣門庭相主客永然舍老饕來同蓮社集
嘗酌醍醐漿不貪鮓饗汁嘗挹朝夕池不戀涖蹠涇五戒
空外空十善得無得放者尙云非殺者獨何急憎蟲翻縛
雞絞狸因飯鴨顛倒生愛憎何異蟹行羈今人遇勞瞪目
眩成紫赤及其視根還唯餘鼻端白悟茲空萬緣如風墮
輕幘無生自無殺無笑自無泣大明懸三光下照諸陷缺
殺心如一塵眾塵合爲客暴然冰釋時酒肆許汝集
張生靜者流初亦好米汁偶然逢佳賓澆灌必取涇以予

淡蕩人開懷忘失得敲詩銅鉢殷談禪筭鋒急禪頌舉斬
貓詩歌追射鴨殺活不可拘俊氣固難羈近知鯨飲非久
厭鸞刀赤箴規同周何倡和謝元白願合禽集掌無取獸
抱幘緬然識浪中悵矣楊朱泣誓將一指微堙彼河江缺
因舉岐亭詩恬吟諷豪客客勿笑其迂編刻已成集

秋日過子顯再次岐亭詩韵

秋堂展舊題長嘯呼茗汁清吹高寥寥新桐翠猶溼幽居
嬾可恕萬事忘亦得看君掉塵鞅學道心最急高天瞻龍
鸞破竈遠鵝鴨畱客酒滿盆蔬果不用羈坐久林月生半
酣雙腳赤微吟笱年句俯仰慙虛白似僧餘鬚髯爲儒負
巾幘漫興無風雅取代四生泣蟲葉鑄窗陰蝸涎篆牆缺
念唯酬故人何當問辭客多謝張長公斯文乃遙集
元里

再疊壽韵寄張元里

新詩海上來拍案翻墨汁颼颼清風生泱泱元氣溼想見
含毫時妻孥笑相得龐公不解事度物何急急村社散雞
豚比鄰斷鵝鴨落筆無端倪追虛破蒙幕嗟予苦吟多不
見龜眼赤何當舉偏師背城搏韓白高談落塵毛大笑墮
巾幘一洗萬古懷不恤真宰泣秋風注糟牀餅罌卒無缺
尚有無味禪差足飽嘉客心與德操期鹿門斯可集

和坡公歲莫二詩

餽歲

秋禾頃不登糠覈忝為佐村中需半菽市上騰百貨風俗
有往來餽遺無小大哀哀迫歲除禮失安敢臥歎世者賤
儒憫默驚獨座民窮如抽裂官急甚春磨憂汝雙手空坐
看佳節過蘇公在今日鄉風不忍和蘇詩落句云亦欲舉
鄉風獨倡無人和

別歲

酒人方卜夜顧景患其遲魯戈挽顏陽西逝不可追夙子
肆娛弄心情蕩無涯紛然憂患并歛爾移歲時攬鏡瘦如
鶴遙羨雞鶩肥霜日到簷宇攬我三春悲悲來未能遣歲
復與我辭念念不停任能無催早衰

守歲

春風破殘臘溪壑驚龍蛇有如胸中物芒角不可遮感此
芳歲適健者夫如何昫嫗命兒童我靜汝勿譁椒酒未盡
傾街鼓已三搗微吟杜陵句可怕莫景斜杜守歲詩四十
景斜予今年三十矣勗哉今夕心十年豈蹉跎一笑問三彭此語將
無誇

書懷寄奉常張篤棊先生

管公理吾吳我首未弁冕雕蟲出試席公見為一莞謂此

龍之媒可使受羈翩我時先其儔色喜心內報文章足波
瀾經史異關鍵修途恐喫蹶欲到須重繭退復自思惟公
言敢不勉況今科目文堂奧甚蹇淺丹臆變空質青紫堪
立辜蹉跎遂錯料捫足無可搨踏事防觸蠶閉門學卷巒
一鬼笑不休三年涕常泫念彼荷戈者丁年備菟獮致果
敵王愾足使微分踐不然農屬春竭力事眈眈田毛供粢
盛亦免顏狀醜嗟我敦詩書所得較彼鮮邪徑羞偏側古
道守嚙噬奉檄者何人心焉痛如割側聞公南來車牛已
加輾終如被凍蠅奮翅隔門限仰視滄浪天飛鴻落我眼
再拜寄一言心勞未能展

暑日見耕者歎之

我行適田野火雲何盤盤農夫荷鋤過揮汗流倉篋側身
還讓畔敬我儒衣冠見此發深愧我何良自安憶昨經高

門涼風韻琅玕八珍將九醞暴殄非一端席間行炙人也
復沾盤飧豈知力耕者秋至有飢寒鞭朴晝夜加骨肉晝
夜剗驅驅六合內數步殊悲歡天豈賤稼穡此人難復難
誰爲撫循吏偕之隴上看

遣興三首

雷殷后土溼人表何濛濛艸芽青未已麥爛多生蟲老農
坐咨嗟糠覈漸不充願爲蒿下雀飛去空倉中飢死情雖
難追呼跡已窮三歎語府主咎處何其豐

憑高送春日氣霧何霏霏軍書頻點行健者皆不歸奔鯨
駭中州鑿齒窺天畿蕭條楚豫間人瘦烏鳶肥管年豪俊
人喜見海水飛豈知東山客惻惻心多違

箸書茨簷下花落滿窗屺雙履懸一壁二儀翫十指雖慙
王霸略李悟損益理古之閉關人心尙或如此有客笑啞

陶菴集卷十一
明貞堅默然良獨悲甘棠有陰訟鉤距間良才匍匐慙邑
宰激涕成瓊瑰

節義喪世久羣醜憎孤妍曾史誣以盜躑躅日以賢矧茲
幽閨中沒齒誰相宣簡墨置我笏伍伯夾我笏舉頭竟戴
盆欲雪何因緣

盛夏飛嚴霜清晝鳴鴝鵒夫家問新婦爾志可改不一齊
空有言二庭乃良謀答言微志存至死明薰蕕挾長復持
短餘哇通大幽

昧旦起笏皇笏皇復躊躇煩擱及衣衫縫紉連裙襦側聞
繡衣使持斧來東吳薄言借吾親赴愬百里餘懷哉報所
天行矣畢賤軀

厲厲心如丹皚皚氣成雪峩峩堂上冠溼溼庭下血妾身
既分明一瞑從茲決貞風非外獎哀響絲中切管此道路

觀媿彼萬夫傑

偕子宣子灝啟霖德符入西山看梅

滄舟清川浹山氣一以佳朝暎射谷口蕭蕭生煙華左林
積繁霜右渚揮白沙客心大無賴巨目生豪奢

躡步虎山橋平湖白浩浩霧斂遠峰出風輕片帆好感彼
鷗夷皮我生何艸艸濟勝亦不慙芒屨足幽討

山徑塢蛇腹花深行每遲籬落互開遮松栝相蔽虧挺挺
大夫閒秀此冰雪姿獨立信有鄰晚芳詎無時

日高飢鳥囓谷靜疏鐘度梵宇壓屏顏欲上仍倚樹山僧
拙逢迎惡艸爲客具佛日誠可貪柰爲春色誤

班荆羅酒漿選石坐奇偶四顧萬瓊瑤一朝落吾手山農
日住山真賞不能有輟耕觀狂夫彼此笑開口

巖洞有佳名躋攀生崎嶇相顧儔侶閒清冰夏眉鬚樂幽

未云遠歷險良已愚稽首告山英畱我雲一區

望廬嶽

我生癖山水蠟屐饒幾兩十載思匡廬髣髴勞意匠揚瀾
左里閒歸棹今始澆大澤收煙虹青天削屏障堂堂韓白
軍落落侯伯狀變化根虛無尊嚴合雄放朝昏無端倪欲
語但惆悵三日經潯陽一雨助清漲雨止生白雲山山氣
騰上劃然躋巖腰絲互億千丈如彼萬國琛明堂受無讓
芴豁四五峰偃蹇失背向一峰獨中立肅穆類圭瑒忽見
白龍飛乃是巖瀑颺想象萬壑雷壯夫色彫喪羈遲千里
外心迹兩遘妨近愧猿鶴幽遠慙仙釋曠名山如故人欲
別手難抗夜夢騎茅龍陵歷頗奔壯晨興獨長謠懷哉未
能暢

泊舟行江北村落

确确田中牛飛飛田上鶴老農分稻針仰視雲影落荷葉
引桔槔麥路通略約鄰里更叫呼山歌應林薄客本江南
人厭聞江北惡牛犢化刀劔雞犬遭殺掠茲焉偶盤礴幽
意了可攫舉策數隄柳褰衣弄場藿佇鳴邱中琴靜想林
下酌始知干戈地別有耕稼樂居者焉得知悠悠向寥廓

送友人會試三首

坐君新堂中餐君脫粟飯不語知將離浩思一以滿悠悠
西笑多渺渺朔塗遠櫪馬嘶有聲青陽近將暖丈夫憂黎
元攬轡安得緩悵望東山雲無心已過巘
燕雀從風飛劃見孤鳳皇竹實未肯食矧云謀稻梁空名
滿東海一金不盈囊魯肅旣指困鄭公方治裘拔劍爲爾
舞飢寒亦胡傷高歌隈臺酒彎弧射天狼
交知滿我壽有懷未敢吐與子平生言悽悽豈無故古調

辭巧彈直躬羞跼步惆悵梁父吟中宵各狂顧白日曜陽
林商颺吹海樹隔我雲與泥相思夢中路

再和坡公歲莫三詩

餽歲

呼童賒歲酒酒至無可佐有客能分甘闖如到奇貨承筐
兔首尖挂壁猪肝大旋祛釜上塵踴免雪中臥念自飢荒
來怪事傳客座樹皮填腹腸人肉出春磨安得中山醪頽
然千日過感歎故人情獨謠仍獨和

別歲

六驥馳九衢驥駛影反遲如何歲月徂有驥莫能追日子
結髮來意廣心無涯下言祇媚學上言匡危時鼎鼎三十
年不慕輕與肥所以濩落久亦無老大悲我如主人雷歲
如行客辭願同松柏堅庶免蒲柳衰

守歲

火辰曠明暉歲乃在龍蛇我持人子身聲影兩藏遮此夕
飲藍尾親歡復如何座隅有季弟覓棗聲喧譁一脚跳虎
子兩頭持鼓過家督顧之笑起視斗柄斜幼者行復長長
者已蹉跎詩成中弟書師與僮僕誇

題娛拙齋

禽巧莫如鶴巢成鳩得居人巧莫如匠身蔭他家廬謂此
二物巧斯言豈誠與拙莫於愚公巧極於眾狙狙詐明所
避守拙樂有餘君家黃山中先世多藏書載書到膠水一
塵寄菰蘆尊有濁酒香餅有脫粟儲胸中謝機利日覺心
神舒拙用何囂囂拙效姑徐徐我吟娛拙詩詩拙復何如
送侯豫瞻銓部

賢達不妄出忠孝從所務靜為南陔詠春暉滿庭樹遲迴

方北征搖裔復南驚曠野臥杭稻嚴城墜霜露舟車奔王
命晨昏難久駐大哉豐沛都建立甚完固天塹浩呼洵龍
虎鬱盤互選部貴清通英僚接鷓鷩明明水鏡姿觸事展
心悟天下今未平此邦困征賦識者推其源頗謂舉劾誤
夫子敬王猷秉哲佐當路既精山公鑒彌深康樂趣遊盤
值休沆灑落命毫素沉間迎養期斑綵及春煦哀哀長安
客此樂誰敢妒蹇予方闕觀崢嶸守章句躊躇十年心豈
其雕蟲故赤霄奮鸞鳳白水困鯢鮒雖然異賢愚敢不懷
馘聚天海莽空闊飛沈終一遇此意緬縱橫驪歌歌日莫

送雍瞻赴南都

天馬有逸步大鑪無卑音志士懷合猷穆哉兼濟心俶袞
迎修景遊矚帶陽林驅驅指京洛文物鬱峯峯

峯峯晉城闕窈窕吳山水東南富形勝環海同書軌王風

被中區大雅方盈百義心纂古調神聽唯君子
君子共情素結言在貞堅攜持申篤好如彼軫與弦營道
賞彌真遭物心詎遷嗟子集于蓼端憂望雲天
雲天既開豁雪秀亦回互悠悠俗化訛瞶瞶疲當路紛吾
漆室憂伶子金門步磨治鼂賈言滌蕩鄒枚賦
鄒枚固懷祿鼂賈亦昧時時哉無卷舒安用賢傑爲磷緇
既云謝溫潤宜有施攬轡良自今古訓以相貽

釋褐後寄偉恭

崇禎十六載南宮開選場當春寇未退計車頗旁皇詔用
秋八月廣額登俊良帝御皇極殿發策垂天章揆日唱甲
乙釋褐遵典常予忝平流進法得授曹郎休假未獲請思
親淚滂滂今晨南雁飛數行寄汝勿念與汝別時燂燂侵
衣裳斯文蘇陳輩鷓鷩互攜將葑登三詔巖慕彼鴻鵠翔

既讀客城詩永懷百鍊鋼帆力疾脫兔歟忽過維揚淮水
方暴漲訇哮雷聲長長年盡股栗尚有覆水航河伯句我
命奪倉飢蛟腸亭埃孤屹屹河之水湯湯上有團團天下
有古戰場揆舵漕河口十里一澤梁下流若地窖上流若
天倉豪髮一失勢叩頭不可禳漸近梁山灤飢民惡如狼
進退正惶惑間賊破武昌故相伏劍死烝黎墮沸湯中夜
仰天歎星月無晶光我行將安之魚爛四海瘡稍瘳過任
城濟陰遙在望水木類江表幽探暫相羊傳聞寇搪突獨
畏孔子堂想見絲竹聲魯壁尚洋洋上嘉魯連子下思馬
賓王一矢誠倘儻萬言亦琅琅陳迹鬱連連清源接幽滄
大都焚蕩後物色難具詳入都秋蕭騷疾風卷高岡挂壁
略見蠍鳴籬絕無螢予病癩終試誰使強激昂友生劇天
倫可惜遽分張座主山陰公風神照巖廊清冰絕汁滓大

珪不斷方賞我金石韻協以宮與商知我負烈氣勉以桂
與薑顧予慙曩賢公乃韓歐陽伏覩天子聖自責如禹湯
共驩伏四罪熒惑移災祥臨軒徠茂異皇盼爲悅康惕息
朝內士曷以贊虞唐眠食今粗安酒醕三四觴赤側漸辭
去借貨聊充囊最苦羸馬頭蹠蹠塵沙黃閉戶學罄折出
戶旋已忘顧惟倔強姿不恥溝壑僵安得棄生平如彼轉
糞蟣所以公卿門干謁竟未嘗餘外順坎流不用強論量
親壽雖奉書苦語總遮藏汝爲從容說慎勿使憫傷時方
掄史才儲國之棟梁爭門或迨指此態豈可當我欲拂衣
歸齋持一月糧舊路不可行匹馬從東方吳雪雖苦寒不
敵薊北霜豫畜明鏡檠照我髭鬢蒼一言先語汝努力學
佐王黥別謀補息如我事已忙泚筆再三歎霑襟涕淋漓

陶菴集卷第十七終

順德龍鳳鑣校朶

陶菴集卷第十七終

四

48-11990

